

陸氏周易述
干常侍易解
關氏易傳

三
周易集解略例
墳



陸氏周易述

陸績撰
姚士粦輯
孫堂增補

中華書局

陸氏周易述

叢書集成初編所選
鹽邑志林古經解集
函皆收有此書
本雖後出然經據
訂譌補遺故據以排
印

陸績易注十五卷。見隋志。釋文序錄云：周已亡，今所傳止一卷。見鹽邑志林。乃明姚士麟采李氏集解、陸氏釋文及績所注京房傳彙成之者。四庫全書簡明目錄云：凡一百五十條。今取集解等三書以校姚本。知所采尚有遺漏。蓋於所已采者，既爲正其舛誤，更取其所遺漏者增入之。又益以它書所引之說。各注所出於其下。加一補字以別之。較元輯多四之一。然恐陸說之散佚者，仍未盡也。吳志績字公紀。吳郡吳人。仕爲鬱林太守。加偏將軍。作渾天圖。注易釋玄。皆傳於世。太平御覽等書或引作陸績者，誤也。案後漢獨行傳。陸績吳人生三子。其少子襲。襲生子康。康少子績。是績乃績之曾大父也。字形相近。故傳寫者誤耳。孫堂識。

陸氏周易述

吳 陸 績 撰
明 姚 士 粦 輯
清 平 湖 孫 堂 增 補

上經

乾

乾元亨利貞。

卦辭文王。正義序·瑞
桂堂暇錄〔補〕

初九潛龍勿用。

爻辭周公。正義序·瑞桂堂暇錄
考索前集一續集三·〔補〕·羣書

〔補〕陽在初稱初九去初之二稱九二則初復七陰在初稱初六去初之二稱六二則初復八矣。漢上易傳·
易釋傳外篇

上九亢龍有悔。

陽極陰來吉去凶生。京氏易
傳注·

用九見羣龍无首吉。

純陽用九之德。京氏易
傳注·

六位時成。

十二時分六位。升降以時。消息吉凶。京氏易傳注。

大人造也。正義云。遺爲道。至之道。〔稱〕。

利之足以和義。傳文。

聖人作而萬物覩。

陽氣至五。萬物茂盛。故譬以聖人在天子之位。功成制作。萬物咸見之矣。集解。

六爻發揮。旁通情也。

乾六爻發揮。變通旁通於坤。坤來入乾。以成六十四卦。故曰旁通情也。集解。海撮釋。

坤

或從王事。无成有終。

陰臣陽君。臣不敢爲物之始。陽唱陰和。君命臣終其事也。京氏易傳注。

上六。龍戰于野。其血玄黃。

乾配西北積陰之地。陰盛故戰。乾坤併處。天地之氣雜。稱玄黃也。戊亥是乾之位。乾伏本位。積陰之地。

猶盛故戰。京氏易傳注。

爲其嫌于陽也。釋文。堂案。元輯此條下有行地无弼經文一句。下注行今作應。似誤引。今刪之。

屯

雲雷屯。君子以經綸。

水在雷上。如雲雷交作。天地草昧。經綸之始。无出於此也。京氏易傳注。

初九。盤桓。利居貞。

屯難之際。盤桓不進之貌。京氏易傳注。

女子貞不字。十年乃字。

字愛也。時通則道亨。合正匹也。京氏易傳注。

蒙。

匪我求童蒙。

六五。陰爻在蒙暗。又體艮少男。故曰童蒙。京氏易傳注。

九二。彭蒙吉。

彭。文也。音訓。晁氏。

需。

六四。需于血。

外卦坎水爲險。亦陰稱血也。京氏易傳注。

訟。

天與水遠行訟。

天道西行水東流其路背也。外象乾西北方之卦。內坎水正北方之卦。其流東也。二氣不交曰訟。京氏易傳注。

師

師貞丈人吉。

丈人者聖人也。帥師未必聖人。若漢高祖光武應此義也。集解。義海撮要節引。堂案。此條元朝列在序卦。今從集解本易正。師為衆首。

法長而行。口訣義。補。

象曰。地中有水師。

坎在坤內。故曰地中有水。師衆也。坤中衆者莫過於水。集解。

師出以律。不臧凶。音訓晁氏。補。

九二在師中吉。

陽居九二也。京氏易傳注。

比

比卦一陽五陰。少者為貴。衆之所尊者也。京氏易傳注。

比之初六有它吉也。

變而得正。故吉。漢上易傳。補。

小畜

密雲不雨。尚往也。

一陰劣不能固陽。是以往也。京氏易傳注。

九三。輿說輶。夫妻反目。

不義之兆。京氏易傳注〔補〕。

履

剛中正。履帝位而不疾。光明也。彙案：釋文云：疾、陸本作疾。呂氏音訓同。元輯仍作疾。今改正。

常履之時。京氏易傳注。

象曰：上天下澤。履君子以辯上下。定民志。

履者禮也。京氏易傳注〔補〕。

眇能視。跛能履。

此履非其位。六三也。京氏易傳注。

泰

上六。城復于隍。

三陽務上。坤順而往。往而不已。否道至。京氏易傳注。

否

小人道長。君子道消。

陰小人。陽君子。京氏易傳注。

其亡其亡。繫于包桑。

包本也。言其堅固不亡。如以巽繩繫也。集解

苞桑則叢桑也。京氏易傳注。

否極則傾。何可長也。堂案。今本否終則傾。京氏易傳作否極則傾。

否極則泰來。京氏易傳注。

同人

九五。同人先號咷而後笑。

隔於陽位。不能決勝。故曰先號咷。後獲合方喜。故曰後笑。京氏易傳注。

大有

火在天上。大有。

離爲火爲日。故曰大有。京氏易傳注。

象曰。匪其彭。无咎。明辯逝也。釋文。補。

豫

天地以順勳。故日月不過。而四時不忒。

坤順震勳。京氏易傳注。

六三紆豫。音訓晁氏。

隨

動而說。

震一陽二陰。陽君陰民。得其正也。京氏易傳注。

大亨貞无咎。而天下隨之。音訓晁氏。

王用亨于西山。

許兩祭也。釋文。晁氏曰。陸績作享。堂案。說文喜從高省。音許兩切。又音許庚切。享享止一字。篆文喜。作享。轉錄者又誤以亨爲享。始分二字矣。今經典享字多作享。張公神碑元亨字又作享。釋文攷證云。

古享亦作亨音。二字通用。

臨

至于八月有凶。

建丑至未。至于八月入遯。京氏易傳注。

觀

風行地上。

君子之德風。小人之德草也。京氏易傳注。

六三。觀我生。

我生卽道也。京氏易傳注。

利用賓于王。

臣道出于六四爻也。京氏易傳注。

象曰。觀國之光。上賓也。音訓晁氏補。

噬嗑

動而明。

象雷電也。京氏易傳注。

九四。噬乾肺。得金矢。利艱貞。吉。象曰。利艱貞吉。未光也。肉有骨謂之肺。離爲乾肉。又爲兵矢。失位用刑。物

亦不服。若噬有骨之乾肺也。金矢者。取其剛直也。噬肺雖復艱難。終得伸其剛直。雖獲正吉。未爲光大

也。集解。義海。攝要引首句。

賁

六四。賁如。皤如。白馬翰如。皤音煩。釋文。堂案。皤。元輯。作皤。無音。今從顧氏易音改作皤。

震爲馬爲白。故曰白馬翰如。集解。堂案。元輯此下誤。連李鼎祚之說。今刪去。

剝

象曰。山附于地。剝。

艮爲山。坤爲地。山附于地。謂高附于卑。貴附于賤。君不能制臣也。集解

君子得輿。小人剝廬。

君子全得剝道安其位。小人終不可安也。集解

復

七日來復。

七日陽之稱也。七九稱陽數也。謂坤上六陰極陽戰之地。陰雖不能勝陽。不可輕犯。六陽涉六陰。反下

七爻在初。故稱七日。日亦陽也。京氏易傳注。

初九不遠復。无祗悔。釋文。

反至初九。陽來陰復。遠達也。京氏易傳注。 祗安也。釋文。

大畜

六四童牛之牯。

牯當作角。釋文。 堂案。元稹正文作童牛。此四字無。今從釋文。

頤

天地養萬物。聖人養賢以及萬民。

上下陽位包陰也。京氏易傳注。

大過

大過、大者過也。

大者相過。京氏易傳注。

習坎

坎水能深陷於物。處坎之險。不可不習。故曰習坎。便習之習。後可履于險而不陷沒者。不以剛履柔。不

能成坎之道也。京氏易傳注。

水流而不盈。

水性趨下。不盈溢崖岸也。月者水精。月在天。滿則虧。不盈溢之義也。集解。

維心亨。乃以剛中也。

內外居坎。陽處中而爲坎主。純陰得陽。爲明臣得君而安其居也。君得一明臣而顯其道。京氏易傳注。

象曰。水洊至。習坎。君子以常德行。習教事。

洊。再。習。重也。水再至而益通流。不舍晝夜。重重習相隨以爲常。有似于習。故君子象之以常習教事。如

水不息也。集解。

險且枕。

枕、閑礙險害之貌。釋文。

內約自誘。釋文〔補〕。堂案。詩大雅板之篇。天之屬民。毛傳云。屬道也。正義云。屬與誘古字通用。故以爲導也。韓詩外傳屬作誘。

離

明兩作離。君子以繼明照于四方。堂案。京氏易傳大人作君子。

離卦中虛。始於乾象。純剛健不能柔明。故以北方陰氣貫中。柔剛而文明也。京氏易傳注。

下經

咸

咸亨利貞。取女吉。

艮少男。兌少女。男下于女。取婦之象。京氏易傳注。

天地感而萬物化生。

天地因山澤孔竅以通其氣。化生萬物也。集解

恆

九三不恆其德。

恆者常也。而九三以陽居位。立於陰陽交互之上。是知不久。爲失所然。京氏易傳注。

遯

遯之時義大矣哉。

謂陽氣退、陽氣將害、隨時遯避、其義大矣。集解

象曰：天下有山，遯。

遯退也。京氏易傳注。遯俟時也。京氏易傳注。

初六：遯尾厲，勿用有攸往。

陰氣已至于二，而初在其後，故曰遯尾也。避難當在前而在後，故厲。往則與災難會，故勿用有攸往。集解

大壯

內陽升降，二象俱陽，曰大壯。京氏易傳注。

君子以非禮弗履。

天尊雷卑，君子見卑乘尊，終必消除，故象以爲戒，非禮弗履。集解

喪羊于場。

場，謂疆場也。釋文

晉

晉康侯。

康、安也。樂也。釋文

明夷

睇于左股。

旁視曰睇。釋文

家人

正家而天下定矣。

聖人教先從家始。家正則天下化之。脩己以安百姓者也。集解

婦子喜喜。釋文

九五。王假有家。勿恤吉。

假大也。五得尊位。據四應二。以天下爲家。故曰王大有家。天下正之。故无所憂則吉。集解

睽

說而麗乎明。

兌處下爲積陰暗之象也。離在上爲明照于下。京氏易傳注

先張之弧。後說之壺。

先疑暗也。後說明也。京氏易傳注